

PILEMOÑ

CARTA PAULOBA

PILEMOÑ ITEA BADA

Pauloba nañ cartada Pilemoñ itea basia. Poa 60are Romane preso baside basia. Carta djabarã Colosadebema itea diabueside nañ carta sida diabuesica bla (Colosa 4:11).

Mañ Pilemoñra Colosade babadjia idjaba ne bara basia. Paulodeba Jesucritoda ijãsia (v. 19). Djabarãda idji dede dji jarebadjidãa (v. 2). Idjia nezoca Onesimo abadada erobasia. Baribarã mañ Onesimora ne drãasica bla bẽrã mĩrũ wãsia (vv. 18-19). Paulo preso ßamaa wãpeda careba basia.

Onesimoba Crito ijãnacarea Pauloba nañ cartara basia. Critodeba djabarã bẽrã Pauloba Pilemoñã bedea djuburiasia Onesimora wayacusa bia edamãrẽã (vv. 10-12, 15-20). Pauloba basia Onesimoba drãadara idjiabarã jẽda diaida.

Nañ carta baside Pauloba ãdrãida crĩcha basia. Ara ãdrãpeda Pilemoñmaa wãida crĩcha basia (v. 22).

Pauloba nañ cartade naãrã bada

¹Mãra Pauloa. Jesucrito carea preso bla. Dadji djaba Timoteoda nama bla. Djaba Pilemoñ, daiba bara quĩrĩã panãa. Bla dai quĩrãca ãcõrẽ trajura o bla bẽrã mãa nañ cartara bla itea babarãa. ²Idjaba babarãa jũma djabarã bla dede ãbaa dji jarebadarã itea, dadji djabawẽrã Apia itea, dadji djaba Arquipo itea biãda. Arquipoba ãcõrẽ bedeara dai careba jaradiabaria. ³Mãa quĩrĩã bla dadjirã Zeza ãcõrẽba, dadjirã Boro Jesucrito biãda ãdji biãdeba bãrãra careba pananida idjaba necai bai sida bãrãa dia pananida.

Djaba Onesimo carea Pauloba bedea djuburiada

⁴Mãa ãcõrẽa iwidibarãza bla carea bia blaãda abaria. ⁵Mãa ãrĩsia bla dadjirã Boro Jesura bio ijã blaãda idjaba jũma ãcõrẽ ãberãrãra quĩrĩã blaãda. ⁶Mãa ãcõrẽa iwidĩ bla Crito ijã ßea ume bara bio bia ßamãrẽã. ^aMãwã jũma ne bia

a 6. *Crito ijã ßea ume bara bio bia ßamãrẽã.* ãlarãmaarã mãlba jara bla: “Crito ijã blaãdeba bara idji ãberãrã ume bio bia ßamãrẽã.”

dadjia Jesucritodeba eropanɔda bla bio cawaya. ⁷Djaba, bla Ācōrē ēberārāra quĩrĩaneba sobiabida bēra mĩ sida sobiabisia idjaba bio ɓasridabisia.

⁸Mañ carea blá iwidiya mla jarabara quĩrāca omārēā. Critodeba mla obida ɓamĩna obiēa. ⁹Ātebala mla beɗea djuburiaya quĩrĩaneba mawā omārēā. Mla drōā Paulo. Jesucrito carea preso bla. ¹⁰Bl nezoca Onesimo carea mla beɗea djuburiaya. Idjira mla warra quĩrāca bla. Mla nama preso ɓaɗe idjia mla neba Critora ijana bēra mla warra quĩrāca ɓesia. ¹¹Naēna bl nezoca dji biaē basía, baribara idira nezoca biada ɓesia. Mawā idjia bl itea bia trajaya idjaba mla bia carebaya.

¹²Idjira ɓamaa jēda diabuebala. Mla idjira bio quĩrĩā bla. Mla quĩrā djuburia idjira bia edadua mla edabara quĩrāca.^b ¹³Beɗea bia Critodebema carea mla preso ɓaɗe idjira mla ume eroba quĩrĩā ɓasia juma bla mla carea jamaɓa poya oē ɓada omārēā. ¹⁴Baribara bla bia ɓaɗa aēne mawā o quĩrĩāē basía. Mla quĩrā djuburia iwidi ɓara blá ōgo obiēa ātebala quĩrĩā bla ɓabara mawā o quĩrĩā ɓaida.

¹⁵Dārāē bla bl nezoca Onesimora bl ume ɓaɗada mĩrū wānada. Āĩbērā mawāsia idji jēda wāɓaraɗe bla ewariza erobamārēā. ¹⁶Baribara idjira nezoca quĩrāca erobaiē bla, ātebala nezoca cāyābara biara erobaida bla. Critodeba bl djaba bēra quĩrĩaneba erobaida bla. Mla idjira bio quĩrĩā bla, baribara mañ cāyābara bla idjira biara quĩrĩāida bla, bl nezoca bēra idjaba dadjirā Boroɗeba bl djaba bēra.

¹⁷ɓamaarā dadjia Ācōrē itea aɓarida o panɓara, Onesimora bia edadua mla edabara quĩrāca. ¹⁸Idjia bariduadeba ɓada biē osibara wa blá jēda diai bara ɓabara, mla iwidiɗua. ¹⁹Ara mla jɔwaba nāwā ɓabara: idjia jēda diaida ɓara mla diaya. Quĩrāneɓadua mla neba Crito ijana bēra bla mla diai bara ɓada. ²⁰Djaba, dadji Boro carea mla quĩrā djuburia iwidi ɓara oɗua. Dadjira Critodeba djabarā bēra mla sora ɓasridabidua.

²¹Mla mawā ɓabara cawa ɓa bēra bla mla beɗeara ijaida. Cawa bla mla jara ɓa cāyābara bla biara oida. ²²Mañ awara mla crīcha bla bārāba Ācōrēa iwidi panɓaneba mla ɗɗaɗa. Mawā mla bārāmaa poya wāya. Mañ bēra mla cāi sida waga erobadua.

Pauloba nañ cartade jĩrĩare ɓada

²³Djaba Epaproda Jesucrito carea mla ume preso bla. Idjia quĩrĩā bla bara bia ɓaida. ²⁴Marcoba, Aristarcoba, Demába, Luca bida quĩrĩā panla bara bia ɓaida. Ādjirāba mla ume Ācōrē trajura o panla.

²⁵Mla quĩrĩā bla dadjirā Boro Jesucritoba idji biadeba bārāra careba ɓaida.^c

b 12. Griego beɗeade mañ versículora eɓuɗa ɓaēa. **c 25.** *Bārāra*. Griego beɗeade ɓa bla “bārā jaurera.”